



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Defensio Abbatiae Imperialis S. Maximini**

**Zyllesius, Nicolaus**

**Treveris, 1638**

11. Ottonis M. Imp. Diploma Datum Romæ Anno DCCCCLXII.

**urn:nbn:de:hbz:466:1-14268**

in vicino Treuirensium murorum in honore S. Iohannis Euangelistæ fundatum, Sanctis Sanctorum Confessorum Maximini, Agritij, atque Nicetij corporibus dicatum, immobiles permaneant sententiæ in Kartis conscriptæ, Ottonis Regis, prædecessorumque eius Regum, Francorum videlicet, vt in præsentî & impostero sub regiâ tantum potestate permaneant, neque vlli vnquam alteri personæ subiaceat, excepto Abbate, quem eiusdem Monasterij fratres communi concordia secundum regulam elegerint: Si verò prædictus Archiepiscopus, aut aliquis successorum eius, seu alius quilibet fratrum, qui sunt, vel erunt in eodem Monasterio, quietem impiè crudeliterque turbauerit, nisi primo præsentî conscriptione, ac deinde ab Apostolicâ dignitate admonitus resipiscat, non vt Pastor, sed vt mercenarius tractetur: Idcirco si in tam pertinaci duritiâ persistit, ad vltimum nostrâ Apostolicâ autoritate excommunicetur. Et insuper bonis Regibus & Ducibus, iustisque Iudicibus resistentibus, compos voti sui nunquam fiat, Scriptum per manum Iohannis Scrinarij Sanctæ Ecclesiæ Romanæ. Data pridie Kalen. Martij Indictione VIII. Bene valete.

## II.

*Ottonis Magni Imperatoris Diploma Datum Romæ,  
Anno DCCCCLXII.*

**I**N nomine sanctæ & indiuiduæ Trinitatis. Otto diuinâ fauente clementiâ Imperator Augustus.

Quamuis omnium Ecclesiarum Dei curam nos oporteat gerere; præcipuè tamen, & specialius illius Ecclesiæ profectum & honorem augere, & confirmare dignum duximus, de qua & per quam Regni nostri, & Imperij corroboratur status, & per quam contactalem nostram, more prædecessorum nostrorum, dotali lege nobis associare, & in Regnum & Imperium sublimare debemus. Quapropter fidelium nostrorum tam præsentium, quam & futurorum magnitudini notum esse volumus, qualiter nos piè salubriterque de nostri statu Regni tractantes, deuotamque sollicitudinem prædecessorum nostrorum Regum & Imperatorum, Constantini videlicet, Sanctæ Helenæ filij, nec non Theodosij, Mauritij, Dagoberti, Pippini, sed & Magni Karoli, aliorumque post illos vsque ad nos imitari cupientes, Adelheidam coniugem nostram dilectissimam cum Abbatia S. Iohannis Euangelistæ, quæ in suburbio Treuironum sita est, vbi S. Maximinus pretiosissimus Confessor corpore quiescit, cum omnibus Ecclesijs & possessionibus ad eam in quibuscunque locis iuste & legaliter pertinentibus, sicut antea, cum nuptiali fœdere & Regali consecratione eam nobis associarem in Regnum ultra montes in Galliæ partibus, ita nunc & in hac Romana vrbe, Sanctissimo viro Ioanne summo & vniuersali Papa, Beati Petri Apostoli vicem gerente, per Apostolicæ suæ auctoritatis Priuilegium confirmante, cum præfatâ Abbatia sicut primitus in regnum, ita & nunc in Imperium dotamus, sublimamus & corroboramus, præcipientes videlicet, & per hoc nostræ auctoritatis Priuilegium firmissimè decernentes, vt idem locus, cui Venerabilis Vir, Willherus Abbas, iam præesse dignoscitur, à Regni dote quacunque arte vel ingenio, nunquam auellatur, nec alicui sedi, vel Ecclesiæ, nec alicui Ecclesiasticæ, siue mundanæ personæ famula aut appendix vnquam subiaceat. Sed sicut sub prædecessorum nostrorum, sic sub nostro quoque suc-

cessorum nostrorum Mundiburdio & defensione, & Apostolicæ sedis dotata munimine, ab omni perturbationis molestia libera semper & immunis permaneat. Decernimus etiam atque constituimus, ut præfatus Abbas, omnesque sui successores prædictæ coniugi nostræ, Adelheidæ scilicet, Imperatrici, aliisque post illam Reginis vel Imperatricibus ad Capellam, ad mensam in curia regia seruiant, & seruitium, quod in secundo semper anno de eadem Abbatiâ, distante iustitiâ, daturi sunt, sibi exhibeant. Ipsi vero, quotiescunque ad Regalem curiam venerint, de regia mensa pascantur & inter curiales & domesticos Regis & Reginæ, qui regio cibo vescuntur, non infimi semper habeantur, prout decet illum sacratissimum locum, & prouisores ac Ministros illius Ecclesiæ, per quam cuncti Reges & Imperatores per vicissitudines temporum cum suis coniugibus in Regnum & Imperium semper confirmabuntur. Statuimus insuper & hac nostrâ Imperiali auctoritate ad præbendam fratrum in antedicto Monasterio Deo, sanctisque eius seruiantibus corroborare decreuimus, quidquid sub Antecessoribus nostris Constantino, Dagoberto, Pippino, Karolo, Arnulpho & Henrico Patre nostro ad nostra vsque tempora, ad peculiaritatem illorum in Ecclesijs aut locis supernotatis, pertinere videbatur, ut ex his victum atque vestitum consequantur: hoc est, Apula, Suaueheim, Euernesheim, Mannendal, Narheim, Bukinheim, Alfontia, Scheringesfelt, Vkinheim, Basinbach, Siemera, Gunthereshufem, Ruosbah, Holzhufun, Folemaeresbach, Riuenaha, Loauia, Windingun, Ochisheim, Rateresdorff, Buftat, Meisbrath, Ebena, Decima & Vallis cum suis pertinentijs, Markedeth, Daleheim, Linniche, Mierske, Euerlinga, Fula, & quod in pago Salnenle, vel in Ciuitate Metensi, vel circum circa in Villa Wilere in vineis aut agris habere videntur, vel in pago Nahgowe in his Ecclesijs, Cozoluesheim, Albucho, Wildstein, Wienheim, aut iuxta mosellam, Didenhouun, siue quod ultra Rhenum in curte, quæ Prichina vocatur, cum omnibus ad eam pertinentibus Sanctus Maximinus habere videtur, Mirmirdinga, & Druhdilginga, quæ ad cellam in Tauena aspicere probantur. Hęc igitur loca, & possessiones, & omnes S. Maximini Ecclesias, cum decimis, & facelicis decimationibus ad præbendam fratrum, & ad vsus hospitem peregrinorum ac pauperum delegamus & corroboramus. Et ut nullus successorum nostrorum Regum vel Imperatorum, neque Abbas aliquam de prædictis curtem vel Ecclesiam cuiquam beneficiare præsumat, per hoc nostræ auctoritatis præceptum firmissimè præcipimus. Et, ut hoc, quod ad honorem regni nostri & Imperij, & ad vtilitatem eiusdem loci statuimus, firmum semper & stabile permaneat, cartam hanc inde conscribi, & sigilli nostri impressione iussimus insigniri.

Signum Domini Ottonis Magni imperatoris Augusti. Ludolfus Can- Wilihelmi recognoui. Data Anno nationis DCCCCLXII. Indictione perij Domini Ottonis primo. Regni Regis Ottonis. Filij eius secundo. Dei nomine feliciter. Amen.



& inuictissimi Im- cellarius ad vicem Dominicæ Incar- quinta Anno Im- vero Serenissimi Actum Romæ in